



REPUBLIKA E KOSOVËS / REPUBLIKA KOSOVA

GJYKATA THEMELORE PEJË

Numri i lëndës: 2022:191190

Datë: 01.03.2023

Numri i dokumentit: 04031334

PKR.nr.186/22

NË EMËR TË POPULLIT

GJYKATA THEMELORE NË PEJË-Departamenti për Krime të Rënda, me Kryetarin e trupit gjykues Shaqë Curri, me pjesëmarrjen e bashkëpunëtores profesionale Selvane Bukleta, në çështjen penale ndaj të pandehurit G.A., për shkak të veprës penale posedim i paautorizuar i narkotikëve, substancave psikotrope, ose analoge, nga neni 269 par.1 lidhur me nenin 275 par.1.8 të KPRK-së, sipas aktakuzës së Prokurorisë Themelore në Pejë-Departamenti për Krime të Rënda PP/I.nr.241/22, të dt. 23.09.2022, pas mbajtjes së seancës publike të shqyrtimit fillestar me datë 20.02.2023, në prezencë të Prokurorit të shtetit Ersan Qavolli, të pandehurit G.A. dhe mbrojtëses së tij av. P. U. P. sipas detyrës zyrtare, në të njëjtën ditë bie dhe shpall publikisht, ndërsa me dt.01.03.2023 përpiloi këtë:

A K T G J Y K I M

I pandehuri

G.A., i biri i H. dhe nënës F., e gjinisë M., i lindur me dt., në F., me vendbanim në F. rr. “....“, ka të kryer shkollën fillore, me lnj.nr..... i papunë, i pamartuar, i gjendjes së dobët ekonomike, shqiptar, shtetas i R. se Kosovës, gjendet në vuajtje të dënimit për një vepër tjetër penale.

ËSHTË FAJTOR

Për shkak se:

Më dt. 19.08.2022 rreth orës 15:40 ne fsh. Dubravë K. Istog, pa autorizim posedon substanca narkotike në Qendrën Korrektuese në Dubravë, pavijoni 1 dhe atë narkotikun e llojit marihuane me sasi prej 0.7 gramë, në atë mënyre që i pandehuri G. në sallën e takimeve në qendrën korrektuese të Dubraves ku është duke e mbajtur dënimin, pasi nga vëllai i tij M. A., siguron narkotikun e lartcekur i cili ishte i mbështjellë në një letër të bardhë dhe me një najlon të zi, e fut

në xhep me pako të cigares ronson, ku me pas hetohet nga oficerët korrektues të cilët edhe ia sekuestrojnë,

- me çka ka kryer vepër penale posedim i paautorizuar i narkotikëve, substancave psikotrope, ose analoge, nga neni 269 par.1, lidhur me nenin 275 par.1.8, të KPRK-së.

Andaj, gjykata duke u bazuar në nenin 7,38,39,40,42, 43,69, të KPRK-së, nenit 269 par. 1 dhe 269 par. 3 të KPRK-së, si dhe nenit 364 të KPPRK-së, të pandehurin e:

G J Y K O N

Dënim me gjobë në shumë prej **100 (njëqind) euro**, e të cilin dënim është i obliguar që ta paguaj në afat prej 30 (tridhjetë) ditëve pas plotfuqishmërisë së aktgjykimit dhe

Dënim me burgim në kohëzgjatje prej **1 (një) viti**, e të cilin dënim i pandehuri do të vuaj pas plotfuqishmërisë së këtij aktgjykimi, dhe

Nëse i pandehuri i lartcekur dënimin me gjobë nuk e paguan në afat të caktuar, atëherë dënimi me gjobë gjykata do ta zëvendësoi me dënim burgu, duke llogaritur një ditë burgim për çdo 20 euro të gjobës.

I pandehuri lirohet nga pagimi i shpenzimeve procedurale.

Të pandehurit i konfiskohet substanca narkotike e llojit marihuanë me peshë neto prej 0,7 gram.

A r s y e t i m

Prokuroria Themelore në Pejë-Departamenti për krime të rënda ka ngrit aktakuzë PP/I.nr.241/22, të dt. 23.09.2022, ndaj të pandehurit G.A., për shkak të veprës penale posedim i paautorizuar i narkotikëve, substancave psikotrope, ose analoge, nga neni 269 par.1 lidhur me nenin 275 par.1.8 të KPRK-së.

Me dt. 20.02.2023, është mbajtur seanca e shqyrtimit fillestar dhe prezentë kanë qenë Prokurori i Shtetit, Ersan Qavolli, i pandehuri G.A. dhe mbrojtësja e tij av. P. U. P. sipas detyrës zyrtare.

Gjykata konform dispozitave të nenit 241 par. 1 të KPP-së, e ka udhëzuar të pandehurin me të drejtat e tij, ku në këtë rast i pandehuri deklaroi se i ka kuptuar këto të drejta dhe se për mbrojtës nuk e kundërshton mbrojtësin e caktuar sipas detyrës zyrtare.

Pas leximit të aktakuzës nga prokurori i shtetit, kryetari i trupit gjykues, pasi që është bindur se i pandehuri e ka kuptuar aktakuzën, i është dhënë mundësia të pandehurit që të deklarohet për pranimin ose mospranimin e fajësisë, duke e njoftuar për rëndësinë dhe pasojat e pranimit të fajësisë.

I pandehuri, e ka pranuar fajësinë për veprën penale cila i vihet në barrë, i vetëdijshëm për pasojat e pranimin të fajësisë, pranimin e ka bërë vullnetarisht, ka shtuar se ndihet i penduar dhe ka premtuar se më nuk do të përsëris vepra tjera penale.

Mbrojtësja e të pandehurit ka deklaruar se pajtohet me pranimin e fajësisë nga ana e të mbrojturit të tij, pranimi i fajësisë është bërë në mënyrë vullnetare dhe i propozon që pranimi i fajësisë të merret si rrethanë lehtësuese.

Prokurori i shtetit është pajtuar me pranimin e fajësisë nga ana e të pandehurit nga se shihet së është i vullnetshëm dhe në përputhje me shkresat e lëndës.

Kryetari i Trupit Gjykses është i bindur se pranimi i fajësisë nga ana e të pandehurit është bërë konform dispozitave të nenit 241 dhe 242 par 1 të KPP-së, pasi që i pandehuri e kupton natyrën dhe pasojat e pranimin të fajit, pranimi i fajit mbështetet në faktet e çështjes dhe provat në të cilat edhe mbështet aktakuza siç janë: raporti pas bastisjes pozitive dt. 19.08.2022, raporti i informues i Policisë së Kosovës dt. 22.08.2022, raporti i analizës se narkotikeve Nar Test i dt. 22.08.2022, fotografitë e narkotikut dhe vendit të ngjarjes, lista e dëshmitëve nga njësia e forenzikes dt. 25.08.2022 dhe shkresa e Qendrës Korrektuese të Dubravës dt. 22.08.2022 si dhe shkresat e tjera të lëndës, pastaj aktakuza nuk përmban asnjë shkelje të qartë ligjore, ose gabim faktik, prandaj gjykata konform nenit 242 par 6 të KPP-së, ka pranuar pranimin e fajësisë nga i pandehuri.

Me provat e ofruara, si dhe pranimin e fajësisë nga ana e të pandehurit është vërtetuar gjendja faktike si në dispozitiv të aktgjykimit. Nga gjendja e vërtetuar faktike si është përshkruar në dispozitiv të aktgjykimit, pa dyshim rrjedh se në veprimet e të pandehurit G.A. qëndrojnë të gjitha elementet e veprës penale posedim i paautorizuar i narkotikëve, substancave psikotrope, ose analoge, nga neni 269 par.1 lidhur me nenin 275 par.1.8 të KPRK-së.

Gjykata nuk gjeti rrethana që përjashtojnë ndjekjen penale apo përgjegjësinë penale të pandehurit dhe i njëjti është penalisht përgjegjës. Sa i përket fajësisë i pandehuri është i vetëdijshëm për veprën e kryer dhe atë e ka kryer me dashje.

Duke vendosur lidhur me llojin dhe lartësinë e dënimit, gjykata i ka vlerësuar të gjitha rrethanat lehtësuese dhe rënduese në kuptim të nenit 69 par.1 të KPRK-së. Kështu si rrethana lehtësuese për të pandehurin, gjykata morri pranimin e fajësisë, pendimin për veprën e kryer, premtimin se në të ardhmen nuk do të kryej vepra tjera penale, ndërsa rrethana rënduese ndaj të pandehurit gjykata gjeti se i njëjti edhe me parë ka kryer vepra penale të llojit të njëjtë dhe i njëjti është në vuajtje të dënimit.

Sipas bindjes së gjyqtarit, dënimi i shqiptuar, duke i marrë për bazë rrethanat e përmendura më lartë, është dënim i drejtë, në harmoni me peshën e veprës penale dhe shkallën e përgjegjësisë së të pandehurit. Kryetari i Trupit Gjykses, gjithashtu ka konstatuar se me këto dënime mund të arrihet edhe qëllimi i dënimit, nga neni 38 i KPRK, i cili konsiston në parandalimin e të pandehurit nga kryerja e veprave penale në të ardhmen dhe të bëjë rehabilitimin e tij; të

parandalojë personat e tjerë nga kryerja e veprave penale dhe të shprehë gjykimin shoqëror për veprën penale, ngritjen e moralit dhe forcimin e detyrimit për respektimin e ligjit.

Meqenëse i pandehuri jeton në kushte të vështira ekonomike dhe është i papunë, gjykata konform nenit 452 par 4 të KPP-së, të pandehurin e liron nga pagimi i shpenzimeve procedurale.

Konform nenit 269 par.3 të KPRK-së, konfiskohen substanca narkotike e llojit marihuanë me peshë neto prej 0,7 gram, e cila do të asgjësohet pas plotfuqishmërisë së këtij aktgjykimi.

Nga arsyet e cekura më lartë konform nenit 364 të KPP-së, është vendosur si në dispozitiv të këtij aktgjykimi, ndërsa konform nenit 369 të KPP-së, gjykata përpiloi këtë aktgjykim.

**NGA GJYKATA THEMELORE NË PEJË-Departamenti për krime të rënda,
PKR.nr.186/22, dt. 01.03.2023**

Bashkëpunëtore profesionale
Selvane Bukleta

Kryetari i trupit gjykues-gjyqtari
Shaqë Curri

KËSHILLË JURIDIKE:

Kundër këtij aktgjykimi është e lejuar ankesa në afat prej 30 ditësh, nga dita e marrjes, Gjykatës së Apelit në Prishtinë, e nëpërmjet të kësaj gjykate.